


宋元明清傳記  
資料叢刊系列

# 遼金元傳記 資料叢刊

本社影印室 輯

北京圖書館出版社



宋元明清傳記  
資料叢刊系列

# 遼金元傳記 資料叢刊

本社影印室輯

12

北京圖書館出版社

郭寶玉兀速赤張榮賈塔刺渾列傳第四十一

蒙兀兒史記卷第五十九

武進屠寄纂

郭寶玉字玉臣華州鄭縣人唐中書令郭子儀之裔也。通天文兵法。善騎射。金末封汾陽郡公。兼猛安。引兵屯定州。歲庚午。童謠曰。搖搖呂呂至河南。拜闕氏。旣而太白經天。寶玉歎曰。北軍南。汴梁卽降。天改姓矣。時蒙兀將南牧。然金人都燕未遷汴也。明年金平章獨吉思忠完顏承裕行省戍邊。領兵築烏沙堡。會蒙兀前鋒者別軍忽至。思忠等敗走。旣而左萬戶木合黎又敗金兵三十萬於野狐嶺。寶玉帥麾下降。授抄馬都鎮撫。歲甲戌。從木合黎征遼西下高州。明年降北京龍山。歲丁丑。帥抄馬從錦州出燕南。入河東。戊寅破太原平陽諸州縣。明年成吉思汗親征西域。慮其堡寨多依山險。召問寶玉攻取之策。對曰。使其城在天上。則不可取。如不在天上。至則取矣。汗壯之。命從征。徇畏兀兒國北境。別失八里。別

失蘭等城以往至契丹遺族之地。歷斡思堅國虎思斡百朵等城。破其兵三十萬。寶玉胸中流矢。汗命剖牛腹置其中。少頃乃蘇。進次忽璦河。西域兵列兩陳迎拒。戰方酣。寶玉望其眾疾呼曰。西陳走矣。其兵果走。又明年。從攻薛米思堅。時西域主阿剌哀丁自稱莎勒壇。據薛米思堅爲新都。聞乃蠻古出魯克破滅蒙兀大軍。將至棄城南走。出鐵門渡阿梅河。公我軍追次河上。敵築十餘壘。陳船河中。俄風濤暴起。寶玉命發火箭射其船。一時延燒。乘勝直前。破其護岸兵五萬。斬大將佐里。遂屠諸壘。收呼羅珊部馬魯四城。歲辛巳。西域嗣主札剌勒哀丁竄據大雪山。山南哥疾寧。寶玉從駕追之。遂徼印度。汗駐蹕大雪山前。時谷中雪深二丈。寶玉請封山川神。壬午三月。封崑崙山爲玄極王。大鹽池爲惠濟王。又從者別速別額合二先鋒。收寬田吉思海諸國有功。經西遼故地歸。以功累遷斷事官。先是寶玉初降。木合黎引見成吉思汗。汗問取中原之策。對曰。中原勢大不可忽也。西南諸蕃國富民勇。宜先取之。藉

以圖金。必得志焉。又言建國之初。宜頒新令。於是頒條畫五章。如出軍不得妄殺。刑獄惟重。辜處死。其餘襍犯。量情笞洩。軍戶蒙兀色目人。每丁起一軍。漢人有田四頃。人三丁者。僉一軍。年十五以上。成丁。六十破老。站戶與軍戶同。民匠限地一頃。僧道無益於國。有損於民者。悉禁止之。類皆寶玉所陳也。卒於賀蘭山。子德海德山。德山以萬戶破陝州。攻潼關。卒。郭寶玉舊傳。顛倒謬誤。有以虛構。今辨正。如左。下距衛紹王大安二年。辛未。薨已五年。烏沙堡一役。獨吉思忠完顏承裕二人實尸之。見二人本傳。竝無僕散揆而舊傳云。金人以獨吉思忠僕散揆行中書省。領兵築烏沙堡。誤一也。烏沙堡爲石抹明安神撒也。事在乙亥。舊傳云。癸酉。從木華黎取永清。誤二也。永清招諭不降。拔而屠之者。事在甲戌。旣曰降。則州未破也。而舊傳云。癸酉。破高州。誤四也。古徐鬼國。卽幹思堅國。今俄屬費爾干。卽省之烏茲根也。訛夷朵乃幹。音差。卽西遼舊都虎思幹。卽朵乃。在今費爾干。卽八刺沙衮山中。別失八里。今新疆迪化府之濟木薩。別失蘭。卽西遊記之鋪速滿。卽亦別失八里。不遠。按別失八里。爲畏兀兒北境。名城畏兀兒。降附在先。此次西征。其主巴而兀阿而忒。且以兵從則別失八里。必無戰事。別失八里。在古徐鬼國。訛夷朵城。東二千餘里。成吉思西征。必先過別失八里。別失蘭。而後至古徐鬼國。訛夷朵等城。舊傳乃云。甲戌。從帝討契丹。遺族感古徐鬼國。訛夷朵等城。破其兵三十萬。其下文云。尋復戰。收別失八里。別失蘭等城。經途倒置。事又失實。誤五六也。乃滿國。卽乃蠻。古出魯克盜據之西遼故地。丁丑。戊寅。間爲蒙兀將者。別所破舊傳云。辛巳。可弗父國。唯算端罕。破乃滿國。誤七也。可弗父國。唯算端罕。殆指西域末主札刺勤。哀丁。庚辰。五月。其父阿刺哀丁於蒙兀。兵未至。擣思干。時卽棄城而奔。舊傳云。辛巳。引兵據擣思干。聞帝將至。棄城入鐵門。屯大雪山。誤八也。西域舊都。爲唐時貨利。習彌故地。故卽稱花刺子模國。舊傳云。可弗父國。音與花刺子模。不類。按花刺子模國。其始有國之主。曰奴世昀。斤。昀斤之稱。突厥語。亦同。紇

語蓋奴世時斤本突厥種人故其子孫雖君波斯故地其兵多係突厥康里種人康里為阿刺哀  
丁母族突厥則其本族也突厥有可薩部可弗又即可薩之音差歟蒙兀謂新曰那懷亦作諾威  
玉讀成唯唯算端者殆那懷速魯檀之聲轉如云新帝非名也忽璉河原作忽章河薛米思堅原  
作掃斯干阿梅河原作暗木河馬魯四城當指馬魯巴里黑亦魯亦薛不兒四城皆屬呼羅珊部  
原作馬里四城里魯聲轉大雪山即欣都思山為崑崙山系之西支故又曰崑崙山  
大鹽池殆指寬田吉思即裏海時向無今日之鹹海也新傳一更正庶與事實相合  
德海字

大洋。姿兒奇偉。亦通天文兵法。金末為謀克擊敗宋將彭義斌於

山東。知父寶玉北降。遁入太行山。大軍至。乃出降。為抄馬彈壓。從

者別西征。征古出魯克經乞溼泐巴失納兀兒以往。地名從秘史舊傳作乞則里入海音不全攻鐵

山。疑即鐵木兒識察在賽喇木諾爾南伊犁北漢語鐵門關衣幟與敵不相辨。乃焚蒿為號。煙焰漫野。

敵軍動。乘之斬首三萬級。踰雪嶺西北萬里進軍。次荅里國。悉平

之。按荅里國未詳惟西遼有塔刺思在荅刺速漫輦上西使記謂之塔刺寺即唐時恒邏斯國故地塔刺荅刺但羅皆荅里異譯斯其尾音也著別之計古出魯克應至其地自此以西即屬花

刺子模國矣塔刺思在當時蓋一小國而役屬於西遼者故曰荅里國雪嶺蓋指蔥嶺其云雪嶺西北萬里殆自中原以往通計之否則約略之詞也塔刺思在阿賴嶺西北不過千數百里耳

乙酉。還至崢山。吐蕃帥尼倫回紇帥阿必丁反。復破斬之。崢山未詳據舊傳所

云當在天山南路與西藏兩界上故有吐蕃同紇帥竝反之說元史所謂回紇皆指奉阿薩蘭教之西域人也竊意德海一軍取天山南路而還故經吐蕃同紇兩界之地若成吉思大軍固仍取

西遼故地還也辣施特書云帝欲由印度斯單至唐古特之路而同行未數程聞唐古特又叛一

路山荒林密道途險噉水土惡劣行旅易病乃回至費薩倭兒仍循來時之路而返云云據此疑

德海一軍先鋒由印度斯單探阿里後藏之路徑由其地轉戰東歸也戊子春從元帥闊闊出。疑即別速惕氏闊闊出為訶額命四養子之一

游騎入關中。金人閉關拒守。德海引驍騎五百斬關入。殺守者三

百人。直擣凌風渡寨。後兵不至。引還。辛卯秋舊傳作已丑秋誤從皇弟拖雷

軍破南山八十三寨。陝西平。德海導大將夔曲涅把阿禿兒舊傳作魁欲那

拔都假道漢中據此知德海當時為夔曲涅之神將。歷金房而東。金房舊傳作荆襄今改正與金將武仙軍

遇於白河。德海提孤軍轉戰敗之。復破移刺粘哥軍於鄧蓋禹山之役也。王

辰正月。至鈞州。舊傳謂已丑冬十一月至鈞州大誤。幹歌互汗遣諸王阿勒赤互等軍先

鋒自白坡渡河來。舊傳云辛卯春正月。睿宗自洛陽來時地及人並誤。會於三峰山。金人溝地立軍

圍之。拖雷令軍中祈雪。又燒羊胛骨卜之吉。夜大雪。深三尺。溝中

軍殭立。刀槩凍不能舉。我軍衝圍而出。蒙兀南北兩軍四萬騎。金師十五萬。足以圍之。或謂蒙兀軍圍金師殊非事實

金師步騎十五萬。一時大潰。舊傳云死者三十餘萬非事實。其帥完顏合達遁入鈞州。

城破。走匿浮圖上。德海命掘浮圖基。出其柱而焚之。金史完顏合達傳謂匿窟室中。與此異。兩存之以俟參攷。舊傳云完顏哈達移刺蒲兀走匿浮圖上。

按移刺蒲阿走汴被執於望京橋。並未與合達同匿浮圖上也。完顏思烈單騎走還

洛陽。思烈見金史舊傳作斜烈。德海又破金將合喜兵於中牟。既而思烈復帥兵

十萬來拒。戰於鄭。先登破之。殺其都尉左崇。取申唐二州。舊傳事在癸巳誤

以功遷右監軍。癸巳正月

舊傳壬辰正月誤

破金師黃陵岡

舊傳作黃龍岡

既而圍金

主於歸德

舊傳云甲午河南復叛云云按甲午正月十一日蔡破而金亡矣何所謂復叛蓋圍歸德時為蒲察官奴所敗而傷也今改正

破傷其足以

疾歸卒。幹歌互汗後詔大臣忽禿忽等試天下僧尼道士。選經通

者千人。有能工藝者。命小通事合住等領之。餘皆為民

大方通鑑事在元年丁酉德海已死

又詔置學廩。育人才。立科目。選士。其議皆德海生前發之。及是施

行。子侃。侃字仲和。幼為丞相史。天澤所器。畱於家教養之。弱冠

為百戶。驚勇有謀略。癸巳

舊傳壬辰誤

金將白撒攻衛州

白撒金史有傳舊傳作伯撒

侃從

天澤拒之。破其兵四萬於新衛

蓋白公廟之戰

渡河追金主至歸德。破諸關

伯臺。又從速別額台攻汴西門。金元帥崔立降。以功授總把。從天

澤屯太康。以下德安功升千戶。蒙格汗二年壬子。送兵杖至和林。

改授抄馬那顏。時方命皇弟旭烈兀征西域。侃從乃蠻種人恂的

不花帥萬二千人前鋒啟行。癸丑。至木剌夷

舊傳木乃今

其國塹道置毒

水中。侃破其兵五萬。斬其將忽都答而兀朱

忽都答而兀朱既是西域之將不得如舊傳稱算離

進

攻吉兒都恂寨。寨在亦魯不里山上

吉兒都恂寨見憲宗舊紀洪譯木剌夷補傳作吉兒都苦堡舊傳作乞都卜亦魯不里海南偏

東山名舊傳作擔寒按蒙兀語山寨曰合合兒聲轉為擔寒非山名也波斯語山堡曰阿卜禿見蒙文祕史則此地正名當稱吉兒都怛阿卜禿亟讀變音遂成乞都卜也

下仰視帽為之墜敵守以精兵王師築夾城圍塹之積年弗克歲

丙辰旭烈兀至軍命侃架礮仰攻守將火者納失兒開門降火者舊傳作卜

者誤依西使記校正納失兒木刺夷補傳作納昔兒其降在梅門送司而非吉兒都怛又舊傳稱守將記稱相臣不無微異其國主兀魯兀乃莎勒

壇木刺夷補傳作兀克乃丁庫沙沙者西域王號降於莎勒壇一等據某憲送思寨為巢穴堅守不下蒙兀

兵分三道進取仍遣侃先往招諭兀魯兀乃度不敵遂出降其降在丙辰年冬

其父阿力猶據西城為侃所攻破走據東城又破斬之阿力木刺夷補傳作阿刺愛丁

謂醉臥林閒為人所殺即其子所主使與此異丁巳正月至兀里兒城劉郁西使記云丙辰年四月六日過訖立兒城丙辰四月六日誤或是十二月

六日今依舊傳年月誌立兒即兀里兒異文然按圖裏海南木刺夷境內山堡無名兀里兒者惟蒙兀語謂城曰庫倫又若苦烈兒音與兀里兒甚近考木刺夷補傳梅門送司既降之後令兀克

乃丁庫沙遣人偕蒙兀官諭下四十餘堡元里兒當在此四十餘堡中但不知是何堡也伏兵下令聞鉦即起敵至伏發殲之

降其酋海牙舊傳濫稱為算難至阿刺汀劉郁西使記作阿刺丁城寄按木刺夷補傳梅門送司既降之後旭烈兀至阿刺模忒力攻始降此

阿刺汀與阿刺模忒音近惟脫模字一首破其游兵三萬馮撈答而種人悉降舊傳云馮撈答而算難降是以馮撈

答兒為酋長名也西使記云過阿刺丁城馮撈答兒人被髮率以紅帕勒首衣青如鬼是以馮撈答兒為種族名也二說不同當以記文為是按圖裏海南有山地馬散德蘭其會城曰阿模里阿

刺模忒即其屬城馬散德蘭即馮撈答而之異文本木刺夷故地蒙文祕史卷十二云欣都思與巴黑塔惕兩種間有阿魯馬魯馬塔撒里等種馬魯撒里殆馬撒答里之倒誤凡木刺

夷所屬山寨百二十有八先後下

西使記所屬山城三百六十

是年冬旭烈兀分兵

三道伐巴黑塔阿薩蘭教主哈里發所都也

舊傳云至乞石迷部忽里算灘降西戎大國也地方八千里父

子相傳四十二世勝兵數十萬侃兵至破其兵七萬屠西域又破其東城兩城間有大河云云所言皆巴黑塔形勢傳中卻不見巴黑塔之名而云乞石迷部是誤并乞石迷報達為一也劉郁西

使記云有佛國名乞石迷者在印度西北又云丁巳歲取報達國南北乞石迷其王曰哈里發云云記文明分乞石迷與報達為二國明史臣雖依據記文又據宋他書割裂點竄遂不覺脫卻報

達國名而誤認乞石迷部為報達耳按舊紀憲宗二年諸王禿兒花撒兀征身毒三年命塔塔兒帶撒里土魯花等征欣都思怛失迷兒等國身毒即欣都思亦即印度怛失迷兒即乞石迷多桑

書謂撒里土魯花征怛失迷兒一軍本受皇弟旭烈兀節度故劉郁記旭烈兀征木刺夷巴黑塔事而并及乞石迷

我軍先破其兵七萬於堵

者百河

河名據報達補傳

進屠西域遂克東城兩城間有大河

即體格列斯河

城下時

哈里發木司塔辛登舟

舊傳云城破合里添算灘登舟按合里添為阿薩蘭教主之專稱算灘為西域部主所受於合里添之帝號二者不得兼稱木

司塔辛哈里發之名也覓報達補傳

觀蒙兀有浮梁掘河上下游載礮守之不得逸

報達補傳具舟

以遁者為低瓦答兒非哈里發互存之以俟考

乃自縛詣軍門降其將紂荅兒遁去侃追之至算

諸軍欲頓舍侃相地勢不可又行十餘里乃止夜暴雨先所欲舍

處水深數尺明日獲紂荅兒斬之巴黑塔所屬三百餘城盡下時

戊午正月也

劉郁使西記云丁巳歲取報達微誤蓋丁巳冬往戊午正月始平

又西行三千里至天房

舊傳作天房形近誤

劉郁西使記云報達西行二十日有天房內有天使神胡之祖葬所也師名癖顏八兒房中懸鐵縵以手捫之心誠可及不誠竟不得捫經文甚多皆癖顏八兒所作報達補傳云唐太宗貞觀

六年，漢軍默德卒於麥地拿，就死所建墓，就墓所建禮拜堂云云。又注言麥地拿義謂城，如云教師之城。明史西域傳云：天方古筠冲地，又曰默伽復云默德，那同祖國地，近天方。明史所謂天方，即西使記所謂天房，亦即麥地拿也。記稱房中懸鐵絙以手捫之心，誠可及云云。此其所以爲天房歟？那珂通世云：天房即阿刺必亞，寄按以天房概阿刺必亞全地，恐非。其將住石致書請降，左右信之，不設備。侃曰：欺敵者，亡。軍機多詐，若中彼計，恥莫大焉。乃嚴備以待。既而住石果來要襲，與戰破之。額只樸

惕之將別伊巴兒降。舊傳作巴兒，算難那珂通世云：即額只樸。惕之將別伊巴兒，今據改正。又西行四十里至密昔兒。西使記作密乙兒，那珂通世云：一作米思兒，即額只樸。惕寄按密昔兒，即木速兒，異文。波斯語義謂正教乃阿薩蘭教徒自稱之詞，非國名也。額只樸惕國盛行阿薩蘭教，故稱之曰算。偪敵下營，侃忽下令拔隊，銜枚西徙十餘里，畱空幕於故地，病卒數人守之。敵昏夜來襲，殺病卒，僅得空幕，可刀莎勒壇大

驚。舊傳作可乃算，難大驚。那珂通世云：可乃當作可刀，形近之誤。正音當作窟突思，速勒德奇按，屈突之對音爲可刀，思其尾聲蓋密昔兒部主之名。曰：東天將軍神人也。遂降，得城百八十有五，是歲，旭烈兀命侃渡海，收富浪。

古時波斯等國皆稱歐羅巴人爲佛郎，即法蘭西也。地中海有扯撥耳島，當時謀復耶蘇墓人據島立國，郭侃傳西渡海，收富浪，殆即此。曩寄按法蘭克爲人種名，即今之法蘭西人。當時在羅馬以北爲王國，尚未盛也。以此爲歐羅巴人之通稱，亦當時西亞諸國人無辨別心之混稱也。郭侃雖勇，時無艦隊，勢不能絕地中海，直擣歐洲中原，惟扯撥耳即居此。盧島近在地中海西頭，不難掠商船，載兵往收取其人也。侃諭以禍福，島主兀都曰：舊傳兀都算難。吾昨所夢神人，乃將軍也。即來降。師還，東南至設刺斯。

地名見西北地附錄。今波斯法而斯部之都，會也。舊傳作石羅子，西使記作失羅子，東南舊傳作西

表也五十九

9

南方位倒誤持更正之敵入來拒侃直出掠陳一鼓敗之換斯干阿荅畢降換斯干

酋名阿荅畢其爵名也舊傳亦濫稱爲算灘西使記云其王名模思阿倫卑西南海也形勢甚合又此下舊傳有至賓鐵侃以奇兵奄擊大敗之加葉算灘降十有七字按西使記於失羅子下接

記印度事云印度國公中國最近軍民一千二百萬戶所出細藥大胡桃珠寶烏木鷄石賓鐵諸物居民以蒲爲屋夏大熱八處水中云云當時印度軍事屬於撒里土魯花與郭侃侃無涉且侃自

舊昔兒還軍方至設刺斯尚未至起兒漫安能越起兒漫數千里東至印度乎賓鐵爲印度礦產物舊傳誤以爲地名又是國名者然惟加葉爲印度別酋之名又妄稱爲算灘其實印度酋長無

有號算灘者也加葉之降當降於撒里土魯花不當降於郭侃舊史郭侃傳全據西使記文一若旭烈兀西征之役大功全在郭侃且并撒里土魯花所征之乞石迷部及印度亦由郭侃所討定

者然非事實也今刪正之已未破兀林游兵四萬其酋阿必丁大懼來降兀林未詳按汰而斯

起兒漫舊傳云西南至乞里彎那珂通世云爲蠻之誤奇按乞里蠻即起兒漫其地在失羅得城百二十益東至

起兒漫舊傳云西南至乞里彎那珂通世云爲蠻之誤奇按乞里蠻即起兒漫其地在失羅起兒漫舊傳云西南至乞里彎那珂通世云爲蠻之誤奇按乞里蠻即起兒漫其地在失羅

其酋忽都馬丁降舊傳亦稱之爲算灘那珂通世云即科惕別丁寄按科惕即忽都首差西域平

旭烈兀命侃奏捷合州行在曾蒙格汗殂乃還鄧時萬戶史權屯田鄧州權爲天澤兄子而侃自少教城立省臺興學校等二十五事及平宋之策其略曰宋據東南以吳越爲家其要地則荆襄而已今日之計當先取襄陽既克襄陽置彼揚廬諸城勿顧直趨臨安疾雷不及掩耳江淮巴蜀不攻自

平。後皆如其策。中統二年。擢江漢大都督府理問官。

時江漢大都督卽史權

明

年二月。李壇反。益都徐州總管李杲哥應之。宋將夏貴乘機入犯。

侃用史天澤薦。召見問計。對曰。羣盜竊發如柙虎。內無資糧。外無

救援。築城環之。坐待其困。計日可禽也。汗然之。賜尙衣弓矢。馳至

徐。斬杲哥。夏貴焚廬舍掠軍民。南公侃追過宿遷。奪所掠萬餘人

而還。賜金符。爲徐邳二州總管。尋杲哥之弟驢馬復與夏貴帥兵

二萬侵邊。侃出戰。斬首千餘級。奪戰艦二百。曾有人言。當解漢大

臣兵權者。於是史天澤一門子姪十七人同日改授理民官。侃出

史氏門。亦調同知滕州。

天澤本傳解兵柄在至元以前侃舊傳謂至元二年互異

至元三年。侃上言。宋

人羈畱我使。宜興師問罪。淮北立屯田三百六十所。每屯置牛具

數亦如之。計一屯所出。足供軍旅一月之需。四年。徙高唐令。兼治

夏津武城等五縣。明年。縣人吳乞兒濟南道士胡王反。討平之。七

年。改白馬令。僧臧羅漢與彰德人趙當驢反。又平之。會大舉伐宋。

汗以侃習於軍務。擢萬戶。從軍下襄陽。由陽邏上流渡江。江南平。

遷知寧海。在官一年卒。侃行軍有紀律。野爨露宿。雖風雨不入民舍。所至興學課農。吏民畏服。子秉仁秉義。

兀速赤張榮同時有濟南人張榮故加兀速赤別之清州人。後徙鄆陵。歲辛未。從石抹明

安降舊傳作歲甲戌從金太保明安降誤援石抹明安以辛未歲撫州之役降於蒙兀其太保之官蒙兀所授在金時有官未顯賜虎符。授懷遠大

將軍元帥左都監。從略東平益都諸府州舊傳云乙亥正月奉旨略東平益都諸郡按本紀乙亥正月並無略

東平益都事始舊傳年月有誤且榮實裨將未必親奉汗旨成吉思汗征西域舊傳云戊寅領軍匠從太祖征西域按太祖親征西域以己卯敗行成

寅先征西夏蓋榮亦從行榮領軍匠以從。庚辰八月。駕臨阿梅沐漣舊傳作莫蘭河實沐漣與交蒙兀謂

大川曰秋水方盛。不能涉西書謂者別速別額台等追札刺勒工揀皮渾脫持馬尾過河時在五月雪山之水未盡下也汗召問濟

河之策。榮請造船。汗謂船卒難成。師當何時可濟。榮請刻期一月。

及期果成百艘。皇子拖雷遂乘以先濟舊傳云遂濟河按汗於是年秋冬間先後攻武吉迷收巴惕客薛九月拖雷實

先濟河特補此語以符事實汗嘉其能。賜名兀速赤義謂水官癸未七月。陞鎮國上將軍。礮

水手元帥。甲申七月。從嗣國王孛魯征西夏舊傳云甲申七月從征河西不言從孛魯按其時事駕向在金

山鼓知所從者是嗣國王孛魯明年。從征關西五路。十月。攻鳳翔。礮傷右髀。賜銀五十

錠。命養病雲內蓋孛魯承制所命舊傳云帝命誤也庚寅七月卒。年七十有三。子奴婢龔

職從幹歌互汗伐金

舊傳太祖伐金說奴婢襲職時距太祖之殂已三年

別將由關西小口入

舊傳云收地金

昌州等郡按金之昌州在山後關西別無昌州疑商州音近之誤

甲午金亡

金亡於甲午正月舊傳乃云乙未金亡如乃此大事歲月猶差舊史之不足據可知矣

蠻真可敦稱制之三年甲辰以輔國大將軍領蒙兀漢軍守均州

均疑當作鈞

戊申九月宋師來襲奴婢拒戰敗之明年十一月復與宋人

戰流矢中右臂中統三年卒年七十五子君佐襲職戍蔡州至元

五年將礮手軍從都元帥阿朮攻襄陽八年調戍橐佗嶺一字城

攻襄陽南門牛角堡破之轉攻樊城九年十二月立礮摧其角樓

城卽破十年二月襄陽降降將呂文煥等入朝有旨命參政阿里

海牙擇蒙兀漢軍萬戶有才力者防送以來凡二十八人各召見

受賜諭遣還鎮君佐與焉十一年從丞相伯顏由漢入江攻沙洋

新城君佐當其北面礮所及城中廬舍焚燬殆盡遂破之又破陽

邏堡明年從戰丁家洲敗宋將孫虎臣復從平章阿朮攻揚州冬

又從諸軍渡江克常州十三年以礮手軍屯真揚閒絕宋糧道宋

制置李庭芝都統姜才棄城走遂取揚州授安慶府宣撫司軍民

荅魯合臣。明年春，野人原司空山、天堂諸賊謀攻安慶君佐偵知之。時城兵才數百人，君佐相地形擇守要隘，賊知有備，乃轉寇黃州。陷之，行省檄君佐復黃，因以爲黃州荅魯合臣。明年，加鎮國上將軍。十九年，奉命帥新附軍萬人修膠西牕以通漕。後二年，兼海道運糧事，卒，官

賈塔刺渾，冀州人。成吉思用兵中原，募能用礮者籍爲兵，命塔刺渾佩金符將之，爲四路總押。以下益都功，進階龍虎衛上將軍，便宜行元帥左監軍。歲己丑，林木中百姓平，命塔刺渾駐謙謙州鎮之。其地古烏孫國也。烏孫當秦漢間居敦煌漢武帝時北徙治赤谷城後西徙蔥嶺此云謙謙州古烏孫國其所謂古當在秦以前也己卯

舊傳作己丑誤

將所部礮手及契丹女真唐兀漢軍扈駕征西域，隨皇子察

阿互斡歌互攻兀都刺兒城。

城名從祕史舊傳作斡脫刺兒

城將困守，久之不下。塔刺

渾督諸軍穴城敗之，卽軍中拜元帥。改階銀青光祿大夫，斡歌互汗時從皇弟拖雷入散關，假道漢中，東略唐鄧，申裕諸州，以功進

金紫光祿大夫，總領都元帥。從大帥太赤平徐邳，尋卒。

舊傳云十六年卒，十字衍文，蓋

憲宗六年也今略不書年

子抄兒赤襲從諸王也孫格塔察兒伐宋戊午卒於軍

戊午爲憲宗八年

子冀驢次子六十八先後襲至元九年六十八戌橐佗嶺

一字城立礮樊城南久之不發以怠敵心忽一旦帥銳卒疾攻其

城西破之十二年以宣武將軍從攻常州宋姚訔堅守不下六十

八發礮摧墮城壁納諸軍援兵至又擊卻之所得新埵礮手軍悉

隸麾下十三年臨安降從諸軍追宋益廣二王入海徇下沿海三

十餘城既而領南軍精銳者入衛累進昭勇大將軍輔國上將軍

奉國上將軍礮手軍都元帥二十年落都元帥改礮手軍匠萬戶

佩三珠虎符後六年卒同時有薛塔刺海者燕人也歲甲戌帥三

百餘人來歸初佩金符爲礮水手元帥以功換佩虎符進礮水手

軍民諸色人匠便宜都元帥從先鋒者別平乃蠻古出魯克進討

西域慙忽壇賽蘭忒耳迷諸城乞卜察兀康里諸部

舊傳云從征同回

康里乃蠻阿魯虎忽纒帖里麻賽蘭諸國顛倒不可究詰接回元史爲凡奉阿薩蘭教之國通

稱亦稱西域河西即西夏太祖之征西夏前後凡五役其四在征西域前其一在征西域後舊傳

以征西河界於征回同欽察之閒誤一也欽察之役在平西遼及花剌子模之後舊傳次征欽察

於河西乃蠻之閒誤二也畏兀兒降附在二已歲並未用兵征討舊傳征畏吾兒介於欽察康里